GIPUZKOAKO FORU ALDUNDIA

OGASUN ETA FINANTZA DEPARTAMENTUA

86/2023 Foru Agindua, otsailaren 17koa, garraioide erabiliak eskualdatzeagatik dokumentatutako ondare eskualdaketetan eta egintza juridikoen gaineko zerga autolikidatzezko 620 eredu onetsi eta hura nola aurkeztu eta kuotaren diru-sarrera nola egin ezartzen duena.


8. artikuluan xedatzen du edozein motatako ondasun eta eskubideen eskualdaketetan zerga ordaintzera behartuta egongo dela, zergadun gisa, eta aldeek kontra ezarritako estipulazioak edozein direla ere, ondasun eta eskubide horiek eskuratzen dituena.

Foru arau horren 10.1 artikulua dio zerga oinarria eskualdatutako ondasunaren edo eratu edo lagatako eskubidearen balio erreala izango dela. Balio hori finkatzeko, aipatutako foru arauan jasota dauden erregelak aplikatuko dira, Administrazioak benetako balioa egiaztatzeko duen ahalmenari kalterik egin gabe.

48. artikuluak zergaren sortzapena arautzen du, eta ezartzen du ondare eskualdaketetan sortzapena zergapatutako egintza edo kontratua egiten den egunean gertatuko dela.

Foru arau horren beste xedapen batzuk kasu bakoitzari aplikatzea eragotzi gabe, zergaren likidazioaren ondorioetarako, 50. artikuluak xedatzen du zergadunek zerga honen autolikidazioa aurkeztu beharko dutela erregelamenduz ezarritako modu, leku eta baldintzetan.


Bere aldetik, Gipuzkoako Lurralde Historikoko Ondare Eskualdaketen eta Egintza Juridiko Dokumentatuen gaineko Zergaren Erregelamenduak, martxoaren 22ko 9/2011 Foru Dekretuaren
bidez onetsiak, 35. artikuluan dio autolikidazio ereduak Ogasun eta Finantzta Departamentuko foru diputatuak onetsiko dituela.

Autolikidazioen zenbatekoa behin ordainduta, subjektu pasiboek tributua ekarri duen egintzaren agiri notarial, judizial edo administratiboaren kopia autentikoa aurkeztu behar dute Zerga Administrazioan, egintzaren kopia bat barne, autolikidazio bakoitzaren ale banarekin batera. Agiri pribatuak badira, bi ale aurkeztu beharko dira, jatorrizkoa eta kopia.

Egintza edo kontratua ez badago agiri batean dokumentatuta, subjektu pasiboek aurreko apartatuan aipatutako agiriaren ordez aitorpen idatzi bat aurkeztu behar dute autolikidazioarekin batera, eta aitorpen horretan zerga likidatzeko garrantzizkoak diren zirkunstantziak jaso beharko dira.

Likidaziorako aurkeztutako agirietan ez bada agertzen zergari lotutako ondasun edo eskubideen banakako balioa, interesdunek aitorpen sinatu bat aurkeztu beharko dute eta bertan hori adierazi. Interesdunek ez badute aurreko hori egiten, Zerga Administrazioak finkatu ahal izango ditu banakako balioak.

Orain arte, ibilgailu erabilien eskualdaketarako, autolikidazio hori otsailaren 27ko 119/1997 Foru Aginduak aratu du, hain zuzen ere, ibilgailu erabilien salerosketagatik aurkeztu behar den ondare eskualdaketen gaineko zerga aitortu-likidatzeko 620 eredua aldatu duenak.

Foru agindu hori onartu zenetik denbora asko igaro denez, eta zerga kudeaketako prozeduretan izan diren aldaketak eta aurrerapenak direla eta, komenigarri egiten da haren edukiak eta erregulazioa eguneratzeari.

Horrenbestez, hau

XEDATZEN DUT

1. artikulua. Erabilitako garraiobide jakin batzuk eskualdatzeagatik dokumentatutako ondare eskualdaketen eta egintza juridikoen gaineko zerga autolikidatzeko 620 eredua onestea.


2. artikulua. 620 eredua aurkezterea behartuak.

Garraiobide erabilien eskualdaketetan eskuratzaile direnak daude 620 eredua aurkezterea behartuta.

3. artikulua. 620 eredua aurkezteko eta kuotaren diru-sarrera egiteko moduak.

1. 620 eredua aurkezteko, modu hauetakoren bat erabili ahal izango da:

1.—Bide telematikoa, Internet bidez, «Zergabidea» plataformatik abiatuta, ekainaren 28ko 320/2017 Foru Aginduak, Gipuzkoako Lurralde Historikoko Zergen Foru Administrazioarekiko harremanetan bitarteko elektronikoak erabiltzeko obligazioa arautzen duenak, ezarritakoaren arabera.


2.—Paperezko euskarria, foru agindu honetan eranskin gisa ageri den ereduaren diseinua eduki behar duena.

Euskarriak hiru ale izango ditu:

a´) Administrazioaren alea.

b´) Interesdunaren alea.

c´) Entitate laguntzaileen alea.

Euskari hori «Zergabidea» plataformatik bete, gorde eta inprimatu ahal izango da.

Orobat, aipatutako eredu Gipuzkoako estanko baimenduetan ere egongo da eskuragarri.


3.—Zerga Administrazioaren laguntza, Gipuzkoako Lurralde Historikoko zerga kudeaketari eta zerga arloko jarduketa eta prozeduren arau komunei buruzko Erregelamenduak, apirilaren 21eko 5/2020 Foru Dekretuaren bidez onetsiak, 4. artikuluaren 2. apartatuan xedatutakoarekin bat.


4. artikulua. 620 ereduaurkezteko eta kuota ordaintzeko epea.

620 ereduaurkeztu eta, hala badagokio, ateratzen den kuota ordaintzeko epea hogeita hamar egun balirodunekoak izango da, erabilitako garraio bidea eskualdatu eta biharamunetik aurrera kontatuta.
Xedapen indargabetzailea.

Indarrik gabe geratzen dira foru agindu honetan xedatutakoarekin bat ez datozen maila bereko edo beheragoko xedapen guztiak, eta, bereziki, otsailaren 27ko 119/1997 Foru Agindua, ibilgailu erabilien salerosketagatik aurkeztu behar den ondare eskualdaketen gaineko zerga aitortu-likidatzeko 620 eredua aldatzen duena.

Azken xedapena.

Foru agindu hau Gipuzkoako ALDIZKARI OFIZIALEAN argitaratu eta biharamunean jarriko da indarrean.

Donostia, 2023ko otsailaren 17a.—Ogasun eta Finantza Departamentuko foru diputatua. (1250)